

كل الحقوق
محفوظة

ملاحيس الأدب

بقلم

محجوب موسى

رقم الإيداع بدار الكتب المصرية

٢٠٠٥ / ١٥٩٨٦

الإخراج الفني والتصميم: حسام المغربي
Hos3003@yahoo.com

بِسْمِ اللَّهِ الرَّحْمَنِ الرَّحِيمِ



الإهداء

إلى كل ملّاحوس

أبو الملاحيس

محبوب بن موسى



- الحسة -

لحس الشئ بلسانه : لعقه وليس في اللغة المعنى الذى يقصده العوام حين يقولون : فلان (ملحوس) . ولكن يمكننا أن نقول : فى قول العوام (مجازية) التعبير فكأنهم يعنون أمراً له من الهيمنة والتأثير على (فلان) هذا بحيث (لعق أو لحس) عقله . و (الملحوس) أو (الملعوق) مفعول من (اللحس) أو (اللعق) . وفاعله (لاحس) أى (لاعق) والمبالغة فيه (لحَّاس) والمرة من (اللحس) لحسة بفتح اللام ولحسة بضمها .

وللعوام تعبير طريف حين يرون امرأة بالغة الجمال : جمالها (يلحس) العقول .

واللحس لا يعنى الجنون أو ذهاب العقل . ولكن يعنى شدة التعلق بالشئ فكأنه ذو لسان خشن أصاب من العقل (لحسة أو لحسة بضم اللام) والحق يقال إنه تعبير موفق عن الهوس بالشئ ومبلغ التعلق به . وشدة تأثيره . ولو تصورنا العقل (مادة تلحس) لعلمنا مقدار نقصانها حسب مرات (اللحس) .



فقد تكون (الاحسة) عابرة لا تنال من هذه المادة (الملحوسة) إلا ذرة أو ذرتين لا تؤثر كثيراً . وقد تكون (الاحسة) متوغلة فيها بحيث يحظى اللسان (اللاحس) بقدر كبير منها . مما يؤثر في مقدارها . تأثيراً فعالاً . وقد يكون اللسان (لحاساً) فيحوز على أكبر كم منها .. وهكذا..

والخلاصة أن العقل يتأثر قليلاً أو كثيراً وفق مرات (الاحس) أو تغلغله وكل إنسان (ملحوس) بشكل ما .. فمن منا من لم يستغرقه شيء مسيطراً مهيمناً فـ (يلحس) من عقله بقدر قوة السيطرة والهيمنة ؟

إذا فأنا (ملحوس) وهم وأنتم (ملاحيس) ومن الممكن أن نعرف الإنسان بأنه كائن (ملحوس) و (اللواحس) كثيرة جداً . فهي في كل أمر من أمور الناس فهذا (يلحسه) المال . وذلك الجمال . وفلان (ملحوس) الحب . وعلان (ملحوس) رياضة . وترتان (ملحوس) أدب . ولا يعني هنا إلا (ترتان) فنحن من تعاقبت عليه (لواحس) الشعر والنثر . وعاشتنا و عاشرنا الكثير من (ملاحيس) الأدب .

وحين كنا نقص طرائفهم ونوادرهم و (لواحسهم) كان السامعون بعد نوبة من الضحك الذي يطرح أرضاً



يلحفون في مطالبتنا بتسجيل هذه الملاحوسات . في صفحات تضحك الناس . وتسرى عنهم . وتخفف من أعباء حياتهم وهمومهم ومشكلاتهم .

وقد استجبنا لهؤلاء (الفطسانين ضحكاً) وهذه هي الصفحات المسطرة بقلم محبوب موسى أعني (ملحوس) موسى.

وكل وقائعها حقيقية معيشة . ومن أصحابنا الأدباء ومتذوقي الأدب من عاينها وأبطال هذه الوقائع (الاحسية) منهم من قضى خبه . ومنهم من ينتظر ولما كان الله سبحانه وتعالى قد أمر (بالستر) فلن نذكر أسماء ولا ألقاباً إلا حين لا يكون في الذكر ما يسئ ويخدش .. و... لن نطيل فنحن نعلم بشدة اللهفة والتوق إلى هذه النوادر .. فهيا أيها الملاحو.. عفواً أيها التائقون .. عفواً ليه ؟ ما كلنا ملاحيس ولاد ملاحيس.. ولا إيه ؟

ملحوسيان
أي
محبوبيان



- تقدر تقول كدا؟ -

الحر لقا ح لقا ح فكأن الجحيم تشهق وتزفر . أو كأن
براكين تقذف جحيمها والناس تستظل بأشجار لا ترف من
أوراقها وريقة . وحديقة ميدان الشهداء (محطة مصر)
بالإسكندرية تسح بالعرق . فهي في حاجة إلى حديقة
فيحاء ظليلة . وأنا في طريقي إلى البيت على أجد في مرش
حمامه (ما تقول دُش وخلصنا) ما يرطب البدن . وعلى
المس في مروحتنا لفيفاً من النسيم و ماذا ؟ رجل
يقنع مقعداً بعيداً عن الأشجار تحت ألسنة الشمس
الحارقة (خبط لزق) .

كان في الستين أو ما يجاوزها . أشعث أغبر (عرقه
مرقه) كما يقولون . وعلى الرغم من جنون القيظ . كان
يرتدي معطفاً صوفياً ثقبلاً لا تقف العين على لون محدد
فيه . وكانت (بينقته) شوفوا الحزقة .. أي ياقته عريضة
مرفوعة بحيث تغطي قفاه . أما شعره فقد كان كثيفاً
كأنه كومة كبيرة من القطن ... ولما كنت (ملحوساً)
بلسان الفضول فقلت لنفسى : عليه العوض ياد
بامحجوب في الدُش والمروحة ولا مناص من مقاسمة هذا



الرجل العجيب مقعده المستطيل وليكن ما يكون قد
يكون مجنوناً يصيبك بأذى (زى بعضه) . قد يكون
شاعراً...


ويبقى نهارنا قشطة . يكون من يكون و... فعدت
جواره . وهو ولا هو هنا عيناه معلقتان بسماء تنهال على
الأرض بقذائف لهيبة شأوية . و(أخونا) حائم هائم في
تعلقه ...

بس . بس شاعر لاشك فيه
- تسمح سيادتك أتعرف على حضرتك
- مافيش مانع يا أبني
- متشكر ... أنا حاسس بأن حضرتك شاعر
- هنا يرسل زفرة ملتاعة ويهمس . شاعر؟ هي دي
بلد شعرا؟ كفايه عليها الكورة والرقص .

حلو يا د يا محجوب لقد صحت فراستك فالرجل شاعر
مغمور في بلد لا يروج فيها إلا الطبل والزمر
- يا أستاذ أنا برضه شاعر أسمعك وتسمعني
بعد هز رأس . وغمغمة . وزفرات متواليه قال :



- قلت عن القطن المصرى اللى ما اتقال ولا حايقال
- وعلا صدرى وأخفض مرات سريعة شأن من يترقب أمراً جلاً
- اتفضل يا أستاذ
- يا قطننا يا أبيض يا للى زى الجبس .
- جبس ؟
- أيوه جبس .. أنت كنت متوقع إيه ؟
- يا للى زى الفل ؟
- أنا ما أحبش الكلام التقليدي المستهلك
- طيب يا أستاذ ما كنت تشوف حاجة جديدة ، بس
- ما تكونش (جبس)
- يا بنى بعد (الجبس) مافيش (مفردة) تسد مكانها
- زى الجبس يعنى القطن أبيض و(متين) يعنى
- جمعت بين البياض و المتانة فى كلمة واحدة .. تقدر
- تقول كدا؟
- وحدثنى بنظرة وحشية فهتفت
- ومين يقدر يقول كدا يا أستاذ غير سيادتك؟
- خد عندك اللى قولته عن الحرية
- كلى (ودان) .
- طلعت فوق الجبل أصطاد لي حدايه
- حدايه ؟ الناس تصطاد عصافير غزلان إنما حدايات



- يا جاهل يا متسرع
- (يا أم) ودخلت في جلدي
- انا ما احبش (المباشرة) وأسيب المتلقى يوصل
للمعنى بنفسه
- ما هو زى ما تعبت يتعب هو كمان
- فعلا فعلا
- أنا با أقصد (الحرية) فلما أقول : طلعت فوق
الجبيل أصطاد لى حدايه
- يعنى (أنا حر) في اللي أصطاده
- آه فهمت .. كمل كمل ياأستاذ
- لقيت حمير الجبل ببيوطعو ورايا
- وإيه اللي طلع الحمير الجبل ؟
- يامتخلف حمير الجبل (حره)
- تطلع ماتطلعش .وبكدا يبقى جمعت في قولي بين
حرية الإنسان والحيوان في بيت واحد .
- تقدر تقول كدا ؟
- ما أقدرش وبقفزه لا أدري كيف تمت ألفيتني خارج
الحديقة .



- هُفّ -

هو زجال سكندري . أصدر ديوانه الأول وقام بطبع
تذاكر الدعوة لمناقشته على حسابه . ولأول مرة حمل
تذكرة دعوة صورة الداعي وكان السطر الأخير هكذا :

(كل من يحضر له نسخة من الديوان) وبدهي
سيحضر جمهور كبير ما دام فيها (نسخة لكل مواطن)
المهم فوجئت باسمي مكتوباً في الدعوة كمناقش . دون أن
أعلم ودون أن أرى هذا الديوان وقبل المناقشة بـ نصف
ساعة دسّ زجالنا في يدى الديوان مشفوعاً (بمسبحة)
كنت طلبتها منه منذ شهرين وهو يسوف . ولم يحضرها
إلا ليلة المناقشة . فكانت حالتى كشرطى توضع فى كفه
(بريزة) وهمس زجالنا وهو (يرشونى) بمسبحته: الله
حليم ستار

والترجمة الحرفية هى :

- فى عرضك بلاش تبقى قاسى فى المناقشة وخليك
(حنين)



• ملائيس الأدب •

ودخلنا القاعة .. وألقيت نظرة على بيت يصدر به
الديوان .. ثم بدأت المناقشة .. وجاء دورى كنت أعلم ضالة
الأزجال وسطحيته من أمسيات زجلية كان ممن يشترك
فى إحيائها هذا (الراشنى) .

قرأت على الجمهور الكبير هذا البيت الذى يتصدر الديوان :


كلامى طالع بالقدرة والمعنى (أنعم م البودره)

فقلت اسمعوا يا حضرات عمّا يقول كلامه طالع
بالقدرة .. يعنى لا سلطان له على كلامه . فكأنه)
ضطره أو فسوة)

والمعنى أنعم من البودره .

يعنى أقول له (هف) يطير ...

و... كانت ليلة ليلاء





- غلطة فائلة -

هو رجل عجيب يكتب كل شئ أعنى (ب .. ك) أى
(بتاع كله) وليس له فى أى شئ نصيب من الإحاطة .
يحمل (قلمين) :

* الخبر الجاف للمنظومات

* (الكوبيا) للمنثورات

عرض علىّ صفحة واحدة .. أعنى وجهاً واحداً من
ورقة كراسة يحمل فى أعلاها (غلطة فائلة) وخت العنوان
(مسرحية من ثلاثة فصول) .

مسرحية من ثلاثة فصول . فى وجه الورقة (
الكراسيّة) وظهرها أبيض من (جبس) أخينا الذى لا أقدر
على قول ما يقوله .

- هل هذه مسرحية أو هى ملخص للمسرحية ؟
- يا أستاذ أنت سيد العارفين .. دى المسرحية كلها .
- كلها ؟
- نعم واسمع :



الفصل الأول

واحد ومراته .. بيودعها وهو مسافر وهى بتعيط .. فيروح
حاضنها .

وتنزّل الستارة .

- حلو -

الفصل الثانى

- الزوج رجع من السفر .. ودخل الحمام ياخذ له دوش .

- على المسرح؟

- لا عيب يا أستاذ يعنى دوش (كدا وكدا) المهم

يطلع م الحمام بينطلون البجامة وماسك فى إيدته (

فانلة) سورايه وهو يصرخ :

- كفى الله الشرليه .

- يا خاينه . يا مجرمه .. الفانله دى بتاعة مين ؟ لازم

بتاعة عشيقك أنا حاقتلك .

- يا ساتر

- ويرفع السكينة .

- وتنزّل الستارة.



الفصل الثالث

- نفس المكان .. الزوج رافع إيدته بالسكينة وخلّاص
حايديها في بطن مراته .. تدخل خدامة الجيران
وتقول :

- لا مؤاخذه .. حضرتك يا هانم وانتي بتلمى الغسيل
خدتي فائلة سيدي غلط.

- الزوج يرمى السكينة ويقعد على الكرسي ويقول :

- الحمد لله كانت مراتي حاتروح ضحيه

فأكملت :

- غلطة فائلة ؟

- الله إيش عرفك ؟ صحيح انت أستاذ.





- يا خسارتك يا طراوى -

كنت أعمل وقاداً (عطشجى) بوابورات القبارى ..
أيام كانت القاطرة (الوابور) يعمل بالفحم .. والوقاد هو
الذى يغذيه بالفحم والماء ...

والفحم والماء . أى النار والماء يسببان بخاراً يحرك القاطره
وحين يقل الماء .. كان السائق أو كنت أحياناً نوقف
القاطره بحيث يكون خزّانها تحت (الغراب) والغراب خرطوم
ضخم يدخل فى فتحة الخزان المليئة بالماء.

وكان الملىء يستغرق وقتاً يسمح لى وللسائق فى شرب
كوبين من الشاي عند عامل (البلوك) وهو غرفة خشبية
عاليه بها المحولات التى تتحكم فى مسارات القطر...

- ما تقول قطارات يعنى (حبكت)؟

وكان العامل من (ملاحيس) الأدب . ألف كتاباً
أهدانى نسخة منه فقرأت فى أول صفحة :

- كتابى هذا ليس بشعر ولا زجل ولا نثر



- وقدم لی کوب شای . فعزمت علی مداعبتہ ولیتنی
ما عزمت.
- یا أستاذ طراوی
- نعم یابو المحاجیب
- البلد دی بنت کلب عشان ما بتقدرش العباقرة
اللی زیک .
- أمرنا لله .. حانعمل إیه بختنا کدا
- لا لا حرام عليك تسکت علی کدا


وقعد وأمامه مكتب علیه أوراق كثيرة ..أوراق خاصة
بها ما لیس بشعر ولا بزجل ولا بنثر .
وأوراق عمله ...


ورحت أعزف علی وتر عبقریته المهضومه . وأحرضه
علی اتخاذ موقف یرد إلیه کرامته كأدیب لیس بشاعر ولا
بزجال ولا بناترو (اندمجت) فی هذا التحریض وفی التباکی
علی حظه العثر ...ولم أتوقع نهاية خریضی وتباکی فقد
کان المسکین ینشج ویلهث ثم انفجر فی بکاء وهو يطوح
بکل الأوراق من نافذة (البلوک) صارخاً



- يا خسارتك يا طراوى ...
ثم سقط متشنجاً يرغى ويزيد وأنا ملجَم مأخوذٌ
أصرخ فى (سرى) حرام عليك توصّل للحاله ديه الأستاذ
الطراوى الذى ليس بشاعر ولا بزجال ولا بناثر .. إخص
عليك

فَرَّ فَوْقَ الأستاذ و (فززت) ...





- آؤو -

الزجال الكبير سيد عقل - رحمه الله -

كان له صالونان في صالون .. والله العظيم لا ألغز ولا
أعمى .. فقد كان له صالون (حلاقة) فهو (حلاق) وفي
الوقت ذاته كان صالونه صالوناً أدبياً مزدحماً بالزجالين
والأدباء من الإسكندرية ومن كل محافظات مصر
يستمعون إلى أزجاله الطريفة ويسمع لهم ويبدي
نصائحه وتوجيهاته للناشئين منهم .

وفي يوم قصدت صالونه وفي صحبتى شاعر العامية
المرحوم مصطفى الشندويلي فقد كنا نسكن في حى
الحضرة وهو الحى الذى يقع فيه صالون (أبى عرب) وعلى
باب الصالون وقبل أن نلجّه (ما تقول نخشّ) باغتنا زجال
يعمل كوّاءً ياعم قول مكوجى .. وكان محله ملاصقاً
للصالون

- يا أستاذ محبوب.. يا أستاذ شندويلي مش انتموا
وبس اللي تعرفوا فصحي .. أنا كمان باعرف
وتعالوا اسمعكم آخر قصيدة




ودخلنا . وقعدنا . وجلجل كواؤنا القصيدة دى بمناسبة
مولد النبی ﷺ باقول فيها .

- خير ... قول
- يوم ميلادك يا مصطفىاً
- إيه ... مصطفىاً .. يعنى إيه
- يعنى مصطفى بالفصحى
- ربنا يعديها على خير .. كمّل
- فرحت به فاطمة الزهراء
- لا لا .. مصطفىاً و(فوتناها)

لكن ازاي يوم ميلاده عليه السلام تفرح ستنا فاطمة
رضى الله عنها يعنى وهو مولود يبقى له (بنت)؟

- أمّال منش نبى وله معجزات ؟
 - يا عم هى المعجزات سايبه ؟ بنته تفرح يوم ولادته ؟
- وهنا ينبرى زجال يقول : يجد أنا احل لكم المسألة

- طبعاً بنته يوم ميلاده ما جّيش
- مضبوط وإيه بقى الحل ؟ متّك نستفيد
- بدل ما يقول فرحت فاطمه الزهراء يقول : فرحت
به عيشاً
- يانهار أبو ... انت جيت تكحلها عميتها



• ملائیس الالباب •

- لیه بقی ؟
- انت عارف (عیشاء) تطلع مین ؟
- أبو عارف تبقی زوجته علیه السلام
- زوجته یوم ولادته ؟

وصرخ الشندویلی :

- یا محبوب انت بتنفخ فی قریه مقطوعه وهو دا شعر
من أصله ؟


وهنا یهب (الشاعر)

- شعر وأبو الشعر أمال (آؤو) ديه بتعمل إيه ؟

خد عندك :

مصطفاء ختها زهراء ختها ..

- لا ختها ولا فوقیها .. معاك حق أنا غلطان . وانت کمان
یا شندویلی ما دام فی آخر (الأبیات) آؤو .. یبقى شعر
وأبو الشعر کمان .





- ثومه ؟ حته واحده ؟!! -

كان من رواد الصالون (العقلى) زجال ومؤلف أغاني
على شئ من اليسار . وكان معظم الزجالين (مولاي كما
خلقتنى) يقول لسان حالهم (يا حلاوه دى اللحمه
طلعت)

ويقول أبو عرب :

- إيه رأيكم فى اللى ينغنغكم لحمه ؟

فصاحوا جميعاً

- من بقك لباب السما

ويرسم عمنا الخطة

ويدخل الزجال ذو اليسار ويقعد على كرسى (الخلافة)

وراح أبو السيد يخلق له ... ويستدرجه حتى أسمعته (آخر

غنوه) فصاح السيد :

- أم كلثوم ولا حد غير أم كلثوم يستاهل الغنوه دى

- ياسيد إحنا فين وهى فين .

- ثومه ؟ حته واحده

- لأ حتتين .. إنت ليه مش عايز تعرف مقدارك ؟



- سيب الموضوع دا عليه
- حا تعمل إيه ؟
- إديني الغنوه دى وانا أوصلها (للست) بمعرفتى
- وبعد أيام
- جاء (المؤلف) ليطمئن فبادره السيد :
- إبسط يا عم الست كانت حا تطيرم الفرحة لما
- قرت الغنوه وحلفت هى و (السنباطى) لتكون
- إنت أول من يسمعها
- وقعد (مؤلفنا) قبل أن يُغشى عليه من الفرحة ..
- وبعد أن استرد أنفاسه قال :
- يعنى أسافر يا سيد ؟
- تسافر إيه ... الست والسنباطى و(الفرقه) جاين
- لحدك
- صحيح يا سيد ؟
- ياعم صدق
- طب اعمل إيه . البيت مش قد المقام
- إعمل (شادر)
- أعمل شادر محترم
- وطبعاً الست والسنباطى والفرقه لازم (يتعشوا)
- أيوه لازم بس انتصّرَف ازاي ؟
- إديح عجل



• ملائيس الأظرب •

- أدبح عجل

و (نصب) الشادر . وذبح العجل وامتلاً الشادر بمن لسان
حالهم (مولاي كما خلقتني)

ومرت الساعات . ولم خضر (ثومه) ولم يخضر
(السنباطي) ، ولم خضر (الفرقه)

- وبعدين يا سيد

- اصبر شويه

- لحد امتي

- ياعم متبقاش قلقان كدا

- يارب ...

وغادر أبو عرب الشادر ثم عاد بعد ساعة وفي يده ورقة

- معلش يا أستاذ .


الست بعثت تلغراف بتعتذر لك أصلها خدت برد وجاتلها
انفلونزا .

وأسرع السيد يمزق الورقة قبل أن يطلع (مؤلفنا) عليها
وهو ينفخ قائلاً

- يادى الحظ

و.... (يهبر) من لسان حالهم (مولاي كما خلقتني)

العجل هبر الذئاب



- بصله -

جاءنى مهرولاً وهو يقول :

- يا أستاذ محبوب أنا (عملتك) وكيل الجماعة
اللى أنا ريسها
- جماعة إيه ؟
- جماعة الأدب ال
- آه . طيب كتر خيرك

وكانت أمسينا الأولى فى منظمة التحرير الفلسطينية
بالإسكندرية .

واستقبلنا استقبالاً عظيماً . وقام رئيس الجماعة ليرد
على حقبة المستقبلين .

- بصفتى (إحدى) الشعراء
- وسمعت همساً
- شو شو إحدى ؟
- يمكن تكون زلة لسان
- يمكن



- وراح (رئيس الجماعة) يواصل كلمته :
- الصهيوني لا (يَمُتُ) للإنسانيه (بَصَلَه)
 - شو شو يَمُتُ ؟ .. بَصَلَه ؟

و(انفعّل) الرئيس :

أنا لا أكتب إلا الشعر الوطني ولكن بين (الفينة
والفينة) على وزن (زينة) أكتب عاطفي

- شو شو فينه ؟ صرمايتي على راس ها الرئيس
- اسكت ياخي أهى ليلة وتفوت ورحت أقول
لنفسى أنا ابقى ابن حرام لو (عملت) وكيّل
للجماعة دى .

وأخذت أستعيد أول عهدى بالقراءة فكنت أبكى
بحرقه حين أقرأ: وعزم على نيلها فهي امرأة فراش كنت
أشدد (الرء) وأقول منتحباً : علشان الغلبانة مرات
(فراش) يطمع الندل فيها ؟ بقى لو كانت مرات (مدير)
كان يقدر يهوب ناحيتها و ... تسللت هارباً .. قبل أن
يطيح الأخوة الفلسطينيون برئيس الجماعة ووكيلها
وأعضاء (مجلس الإدارة) والأعضاء جميعاً عاملين
ومنتسبين


شو شو جماعة الأدب ال ولا بلاش .



- هات حته -

ليست (اللحسة) مقصورة على (المتمرسين) فهي
تعتري (الناسئين) أيضاً ، بل إن الكثيرين منهم يبدون
هؤلاء (لحسةً)
وهذه (عينة)

قصر ثقافة الحرية بموج بالحركة وأنا منهمك في تدريس
(العروض) بنادي الشعر . والقاعة مفعمة ... ثم يُدق الباب
ويدخل صبيان ويقعدان
قلت:



- عرّفاني بكما
- أنا شاعر
- وأنا صاحبه
- يعنى انت (الغاوى) بتاعه . نهايته سمّعنا يا
شاعر
- وأكلت أحشاء (النجوم)
- أحشاء إيه ؟ النجوم ؟
- طب دي يبقى طعمها إيه ؟
- ماجيب (حته)



- يا سلام على الجمع -

كان الشاعر الحماسي يزلزل بإلقائه القوى القاعة .
وكانت قصيدته ذات (روى) لامي مكسور
توقفت عند قوله :

(أمريكة) في . (فيتنام) تجبرت

(بسكاي هوك) قاذف ونبال

توقفت عقلاً وفهماً ومتابعةً عند هذا البيت الذي أدمى
الأكف تصفيقاً .. وما (صدقت) أن انتهى من (عاصفته)
حتى قلت له (الفتنام والسكاي هوك) يعني أهو
مفهومه. لكن ما معنى (النبال) ؟

- يا أستاذ محجوب عيب . إنت شاعر ودارس لغة

كويس وما تعرفش النابالي تبقى إيه ؟

- واللّه العظيم ما اعرف

- خد عندك النابالي (جمع نابالم)

- بقى كدا ؟ طب خد عندك انت (المواسد) جمع

إيه ؟

- العلم عند الله

- المواسد على وزن موالد تبقى جمع (موساد)

ومفيش حد (أجمع) من حد .



- سيد و سيد -

كنت أحداث زجالنا الكبير المرحوم سيد عقل عن
(ملاحييس) الأدب فقال :

- والله ملاحييس الأدب أرحم من ملاحييس (الطّب) ..
ملاحييس الأدب ما بيؤذوش لكن ملاحييس الطّب عموني .
رحت أعمل عملية في عنيه فعاديك اتعميت

- أمر الله يا عمنا

- قلت فيهم بيتين

- سمعنا

مليانه إهمال وبلاوى

مستشفيات تستاهل القفل

خرجت اسيد مكاولى

دخلت فيها السيد عقل



ولم تغادر (اللحسة) المطربين التلقائيين الذين
يؤلفون أغانيهم و ألحانهم ارجالا.

منهم من أراد أن يضمّن أغنيته اسمه وكان اسمه (أبو
سماره) فقال :

أنا عمري (ما ابوس مره) واسمى أبو سماره

فقلت له ضاحكاً :

بقى عشان ما (خشتر) إسمك حرم نفسك من (البوس)
حتى ولو كانت (المرّة) حلالك ؟



- بلاليس -

كان رحمه الله شاعراً كبيراً .. ولكن لكل كبير (حسة)
كان ينشدنا قصيدة غزلية شبيهة في أحد أبياتها
النساء بأنهن (جرار عير)

فداعبته قائلاً :

- القصيدة حلوه إلا (جرار عير) دى ، فمعناها
بالبلدى (بلاليس رجه)

فقال :

- يا أستاذ محجوب أنا قصدى الجرار الصغيرة اللى
بيعملوها (مادليات) ويعلقوا فيها المفاتيح


فقلت:

- يا أستاذ هو ذهن السامع لما يسمع بلاليس ..
أقصد (جرار) حيروح للمادليات ولا ينصرف للجرار
الحقيقية

- يا أستاذ محجوب ما تقلبهاش نقد



- أقلبها ونص .. دا النبي ﷺ لما قال لأخشبه الخاوى
رفقاً بالقوارير .. صور النساء أرق تصوير ، والرسول
الكريم مش شاعر .. تبقى انت يا شاعر تقول
(بلاليص) ؟



بلاليص



- فُعال -

كنت أراها في كل أمسية شعرية تصفّق بحرارة .
وتهتف إذا أعجبها شعر شاعر :

- الله الله يا أستاذ أعد كمان مرّة .

ويومها سألتها :

- الهانم بتحّب الشعر ؟

- باموت فيه خصوصاً شعر حضرتك .

- الله يجبر بخاطرك

- لو سمحت يا استاذ أنا عابزه أقابلك مرّة عشان

نتكلم عن الشعر والأدب لأن ماليش هواية غير

القراءة ومناقشة الأدباء.... أصل الثقافة أهم

حاجة في الوجود .

- تمام .. تمام

- أرجوك حدد لي ميعاد

- خير البر عاجله دلوقتى أهو وذهبنا إلى حديقة

قريبة



واقفنا مقعداً . وأنا أمتنى نفسى جوار أدبى ثقافى نادر ..
فهذه السيدة مدمنة أمسيات وندوات وكما تقول قراءات

وحين بدأت بالحوار لاحظت من ردها ما لم أكن أمتنى به
النفس فالضحالة ، والفقر فى المعلومات جعلانى أملّ .
وأخذت أفكر فى كيفية إنهائى لهذا الحوار الذى كاد يكون
من جانبى أنا وحدى فرحت أحدث عن سوء معاملة
الناشرين للمؤلفين بحيث قلت فيهم :

الناشر فى بلدى منشار
لم يعهده أبداً جّار
إن النجار لينشر أخشاباً
لكن الناشر ينشر كُتاباً

وصعقت حين قالت :

- فعلاً فعلاً الجماعة (النُشّار) دول طماعين .

فصرخت :

- نُشّار ؟ عن إذنك إفتكرت دلوقتى معاد مهم

وتركتها مهرولاً وأنا أقول :

- حتى الجمهور (ملحوس)



- يا خرابى -

شاعر عاميّة (طَقّت) فى (نافوخه) أن يكتب
بالفصحى . وجاءنى يعرض (ثمار) قلمه . ولما كان ما
عرضه علىّ ليس بينه وبين الفصحى سبب ولا وتد فقد
رحت أنصحّه أن يصرف نظره عن هذا الأمر . وأن يظل
على عاميته التى يجيدها .

ولكن (تقول لمن) بل راح بهتف :

- يا أستاذ أنا دلوقتى باقرا لأبو الطيب (بَد الباء)
على وزن (ذيب) المتنبّى (مش عارف لها وزن)
وكمان للبحُثرى (بضم الباء والحاء وتسكين التاء
وكسر الراء) ودى برضه مش لاقى لها وزن .

- وبتقرا لمن كمان ؟

- خد عندك

- هات

- والفُرْدُق

- وإيه كمان ؟



• ملائيس الأظية •

- ومن الشعرا (المعصورين) محمد الفايث ورّى ،
والجواهرجى ، والزهووى ، و
- بس بس
- يعنى إقتنعت ؟
- قوى ببقى تكتب فصحن وسيبك م العامية
- أمال كنت من شوويه بتقول لى سيبك م
الفصحن ليه؟
- كنت لا مؤخذة ما أعرفش معلوماتك الهايله
دى
- ودلوقت؟
- كفايه عليك وعلى أبو التيب المتنبى
- يا أستاذ (بالطاء مش بالته)
- معلش أخوك حمار
- وجـاهل.



- بدجان -

أصر تلاميذى وزملائى من الشعراء . على أن يكرموني
وتباروا فى تكرمى شعراً وزجلاً .. وكان ختامه باذجاناً . فقد
قال زجال عنى :

أستاذنا شاعر شيطاني وبدجاني

فقاطعته قائلاً:

- إيه شيطاني وبدجاني .. مديح دا ولا هجاء ؟

فهتف :

- ما عاش اللي يهجوك يا أستاذ

- أمال بتقصد إيه

- باقصد بشيطاني إتك شاعر عظيم . هُما مش

بيقولوا يا سلام دا فلان دا شيطان يعنى كدا

(وقبض أصابع يناه . ونصب إيهامها)

- طيب وبدجاني تطلع إيه مجنون يعنى ؟

- العفو العفو يا أستاذى أنا باقصد لوزك

مش عقلك .



- أهو كلّه نشأ -

كنت مدعوًا لأمسية شعرية بالمنصورة وهناك التف
حولى شعراء ناشئون يسألوننى عما يفيدهم فقلت
لنفسى يا واد يا محجوب دانت مهّم و (طبّقت) شهرك
الآفاق . (الآفاق لما تتطبق نفردها إزاي؟)

المهم جاعنى شاب يعرض على آخر أعماله . ولما
أمسكت بكراسته صدمت عينى فى صفحتها الأولى
قصيدة بالعامية مطلعها

الحب فى زنبيل البطاطا سريخ

فهتفت بينى وبينى :

- يا مسا الملاحيس.

وقلت لـ :

- إيه الجمال دا ؟ (الوحدة العضوية) متلاحمة

فالعلاقة جد وثيقة بين (البطاطا) و

(الزنبيل) فإن كان الزنبيل ظرفاً فالبطاطا



• ملائيس الأظرف •

مظروفه . ولا ظرف بلا مظروف . ولا مظروف
بلا ظرف

ورمفته بنصف عين ورمفته (بنص عين) فإذا به
يكاد يطير من الفرح .. وقال :
- دى شهادة أعتز بيها يا أستاذ

يا ولدى انت موهوب . وخذ عندك أما السريخ فليس
غريباً عن البطاطا . فالبطاطا وهى بتترمى فوق بعض فى
الزنبيل (بتزيق) أى بتسرخ .. وهنا تكمل وحدتك
العضوية . أما وحدتك (الموضوعية) فقد إكتملت من
(زمان) ولكن أنا ليّه ملاحظة
قول يا أستاذ

أنا شايف إن (البطاطس) أبلغ من البطاطا
- حضرتك أعلم

- يا ابنى البطاطس لها (إيقاع) أوقع من
البطاطا فحرف (السين) له موسيقىة
أجمل من حرف (الطاء) قول ورايا

- بطاطس

- بطاطس



• ملأيس الإجاب •

- كمان
- بطاطس
- شفت بقى (الأيقاع السينى)
- فعلا فعلا يا أستاذ
- بالله عليك يا ولدى مش من حق (السين)
يتقال لها :
- بص شوف السين بتعمل إيه؟
- فعلاً فعلاً
- يبقى خلاص مفيش بطاطا
- فأسرع الملحوس الناشئ يضرب بقلمه على (البطاطا)
ويكتب فوقها (بطاطس)
- براقوا براقوا .. عفارم عليك لكن إياك تزعل أو
تصعب عليك البطاطا
- أبداً أبداً يا أستاذ .. تسقط البطاطا
- على كل حال الاتنين فيهم نشا بس نشا يفرق
كثير



- تمام ... إنا -

جاءنى وهو ممسك (بكشكول) مليون (لطبّة عينه) كلام

- انت أستاذنا وتاج راسنا و ...

- المهم عايز إيه ؟

- تصلح لى الأشعار دى عشان (حاصل) ديوان

- أشعار نصلّح .. أزجال نرقّع

- معلّش الله خليك

- طيب فوت بعد شهر

- كتير يا أستاذ خليها بعد أسبوع إلا (الكرّاء)

منتظرين الديوان على نار

- أقولك فوت بعد أسبوعين وبلاش غلبه

- أمر سعادتك

و (خرّقت) عينى فى خط لا يقرأ وكلام فارغ

كالوجه الذى يعجز كل عطارى الدنيا عن إصلاحه ولم



أجد مخرجاً من هذه (التدبيسة) إلا (بالتأليف) الفورى .
فرميت بأبى الكشاكيل . وأخذت أكتب وأنا والحمد لله
(صاروخ) كتابه فورتي . و (أجزت) عشرين زجلاً فى يومين
أرجو عدم سؤالى عن الجودة والذى منه المهم كل الأزجال
(موزونه) وجاء زجالنا وأخذ كشكوله الذى لم (أبص) لكاد
يموت فرحاً (بالعشرين الموزونه) المهم خلصت منه ومن
إلحاحه.

ومرت الأيام . وفاتت الأيام ... إيه دا ؟ حانغنى ولا إيه ؟
وجاءنى (بسلامته) يحمل (ديوانه) المطبوع طباعة
فاخرة . وأخذنى (حزناً) المؤلف لا الديوان وأخذ يدعو لى .
ثم ملأ صحفته الأولى بإهداء (دسم) وانصرف بعد أن قال
لى فأخذت أقلب الصفحات بحثاً عن هذه (المفاجأة) ..
حتى صافحتنى صفحة فى أعلاها هذا العنوان (رد
الجميل) وحتته : إلى الشاعر الموهوب الأستاذ محبوب وما
كدت أن أقرأ (العصيدة) . نعم (العصيدة) حتى
(فطست) من الضحك . فليس فيها بيت ولا شطر يحمل
(ندعة) وزن وهذا بدهى (فالقصائد) التى راجعتها بل



(ألفتها) موزونه تماماً .. أما (العصيدة) فلم (تعرض
علينا) . وكيف تكون (مفاجأة) إذا عرضت علينا وهكذا
كشف الملاحوس نفسه . و فضح (شاعريته) أو (زجليته)
فالذى (يزن) عشرين زجلاً لا يعجزه وزن (الحادى
والعشرين) .. ولكن تقولوا إيه فى (حسنة) العقل ؟





- مليونير -

آى واللّهُ فهو جتّل جناحاً كاملاً فى أرقى فنادق القاهرة
.. وهو رجل أعمال ساطع ساطع فى قطر شقيق .

عرّفى عليه ناشر شهير ليهر منه هيرة سمينه
لقاء نشر ديوان لم يحده مشرفاً لاسم داره .. فقصدنى
لأقوم (بإصلاح) و (رستقة) الديوان أولاً .. وقال لى (أهبر انت
كمان) ف (هيرت) تصليح القصيدة بمئة جنيه ، والأوال
بخمسين ، والبيت (فوق البيعة)

وكان المليونير قد قدم لى كراسة بها ثلاثون
(كلكوعة) لا مقطوعة ... فقلت له اللّهُ ع اللّهُ ع الجّد سيبك
من (التصليح) أنا عندي (خمسين) قصيدة مش
لازمانى خمسين × مئة = خمس تلاف .. حلو ؟

- حلو -

وأخذت أسناني فى ذيلى . مش مهم المهم أحضرت
الـ (خمسينايه) واستلمت الخمستلافايه .. وقبل أن أغادر
جناحه الفاخر قال لى :



• ملأ ليس إلا طير •

– أوعى تقول لحد .. أوعى تنشر حاجة من اللي

خدتها

– حط في بطنك برتقانه صيفي .. هو كل مره

(بطيخه) ؟ جددوا بقي


وسألت نفسي ما الذي جعله (يكع) هذه المبالغ ؟

ألفاعلية الشعر ؟ أم هي (واجهه) من ضمن واجهات

استعراضاته ؟

أم . بلا أم بلا غم أهي (لحسه) مفيده .. اللهم ارزقنا بكام

(ملحوس) ويكون (مريش) .





- لَحْساَیَة -

أحياناً (تَهف) علیّ (لَحْساَیَة) فأتصوّر نفسی
(لافِعاً) حقیبة علیّ ظهري مائیئة (بتفعیلات) وأنا
أصرخ..

شعر نصلّح , زجل نوضب , أغانی نصنفر کرا.....
افتکرت..

هو زجال (نص کم) يعمل تجّاراً یصنع کراسی البحر
وبیبعها .. قصدنی (لترمیم) أزجال یعدّها للطبع
و(بالطبع) رحبت . ما دام (کله بتمنه)

- الزجل بکام

- (بکرسی)

- یا عم هو أنا حاکل کراسی

- معاش .. أهو الکراسی برضه فلوس (مجمّده)

- زی بعضه .. عایز کام زجل ؟

- اللى یلا دیوان

- یعنی قول کدا عشرين ثلاثین



- كفايه عشرين
- ليه ؟
- عشان أكثر من كدا حا يخلص الكراسى اللى
عندك وداخل صيف
- طب ليه حكاية الزجل دى؟ ما خليك ف النجارة
أحسن
- كيف ومزاج ومرض بعيد عتّك
- المهم أنا هجيب لك بكره ال عشرين (زعل) لا
مؤاخذه .. زجل وتخضر (الكراسى)
- حاضر

وأَمْضى وأنا فى أشد حالات العجب من هذا الملحووووس

و (تانى يوم) كانت الأزجال (متألّفة) . ولكن قلت
بلاش أدّيه الـ (عشريناية) مرّة واحدة .. ولأقدم له
(خمسة خمسة) حتى يمكننى (لفها) على كتفى
وقدمت له (الدفعة) الأولى ورحت (أمّقق) عينى فى
الكراسى خشية أن يدس بينها كراسى قديمة ف (يّمنى)
ووقعت عينى على كرسى مستطيل يُشد إليه قماش
متين مخطط يصلح للاستلقاء .. فقلت :



• ملأيس الأظرف •

- آدى خمس أزجال وخاذ الكرسي ده ومعاہ أربعة صغيرين

- لا يا أستاذ الكرسي دا لوحده بالخمسہ عشان كبير وجديد لانج

- زى بعضہ

وحملته وفي الطريق تذكرت صديق لم أزره من مدة فزرتہ وكان سميناً جداً ولا يمكنه النوم على السرير لارتفاعه ولما رأى (المحروس) قال :

- الله الله هو دا بقى اللى حيرخنى تمام

- جرب كدا

- (فجرب) و (نجحت) التجربة ...

- بكام ؟

- هو إيه اللى بكام ؟

- الكرسي دا

- لا بكام ولا (دياولو) دا هدية منى ليك

- بلاش هزار قول بكام

- والله أنا ما بهزرش



• ملأ ليس إلا طرية •

- يا عم قول بكام
فضحكت حتى أدمعت عيناي وأنا أقول :

- بخمس أزجال

- بياه

- بخمس أزجال

وقصصت عليه قصة (اللحس) الذي أصاب أخانا
وأصابني معه و (مات) سميننا من الضحك حتى فقد
(خمسه كيلو) من شحمه ثم قال :

- طب شف لنا (دولاب)


- لا يا عم الأزجال اللي (مدكّتها) عشان
(الطواري) اللي زى دى على أد الكراسى .. يا دوب





- ما خلاصنا -

- إيه رأيك ف الأغنية اللي حاسمّوها لسيادتك ؟
- عجيبه عايز رأيي قبل ما أسمعها ؟ ودي تيجي إزاي ؟
- أقصد آخذ رأيك فيها
- ف إيه هي مين (فيها) دي ؟
- الأغنية
- يا مصبّر الوتد على الدقّ .. قول
- الأغنية بتتكلم
- عربى ؟
- قصدى بتتكلم عن شرف العمل
- جميل .. إسهل
- البننت بتشتغل
- طب ما تشتغل. أنا مالى.. فين الأغنية ؟
- ما هي ديّه البداية يا أستاذنا



• ملأيس اللأطرب •

- طيب قول
- البنت بتشتغل
- تانى ؟
- لا دا انا باعيد
- عيد
- البنت بتشتغل
- تالت ؟
- بالله عليك تستتنى عليه
- أستتنى عليك وعلى اللى ... بلاش
- البنت بتشتغل
- جدعه
- وأخوها بيشتغل
- جدع
- وأبوها بيشتغل
- أبو الجدعان
- وأمها بـ
- عندك . أمها لأ




• ملأ قيس الأظرف •

- لا ليه يا أستاذ ؟
- لما البنيت بتشتغل وأخوها بيشتغل وأبوها بيشتغل مين اللي راح يطبخ لهم ويغسل لهم؟
- صحيح عندك حق
- وكمان عيب إنها تشتغل بعد السن دا ... ومدام البنيت بتشتغل وأخوها بيشتغل وأبوها بيشتغل بيقو خلاص يرخو (الحاجه)
- معقول ..
- قول بعد (التعديل)
- البنيت بتشتغل وأخوها بيشتغل وأبوها بيشتغل وأمها لأ
- هو انت . حاتقول (وأمها لأ) ؟
- با بنى آدم كفايه تقول : البنيت بتشتغل وأخوها بيشتغل وأبوها بيشتغل . وماجيش سيرة الأم خالص
- حاضر
- كمل



• ملائيس اللطيف •

- عمها بيشتغل , عمتها بتشتغل , خالها
بيشتغل , خالته بتشتغل , بنت عمها .
- ستوب ...
- صبرك
- صبرى إيه ؟ دا أنا لو أسيبك (حاشقّل) الحى
بحاله , وليه اللت والعجن دا ؟
- طب أقول إيه ؟
- العيله بتشتغل وخلصنا
- يا أستاذ مهوّا أقول العيله بتشتغل يبقى الأم
داخله فيها
- دخلها وشغلها .. وريّح جمجمة أم اللى خلفونى .





- شعزج -

- يا أخينا أنت كاتب (طورلى ، كوكتيل ، سكالانس) ؟
- تقصد إيه يا أستاذ
- أقصد (اللخبطان)
- لخبطان ؟ مش فاهم
- ولا حاتفهم اللخبطان يعنى الخلط بين الفصحى والعامية بدون سبب
- ما فيش مانع .. أنا (عملتها) - ولو فيه سبب ؟
- فرجنى
- أفرجك على إيه ؟
- على (عمله)
- السودا ؟
- لا يا أستاذ أقصد على اللى عملته لما جمعت بين الفصحى والعامية
- آه ...



قال لى طفلى يابابا بدلتى دابت خلاص
والشستا داخل عليه ذاك قول أو رصاص
يخرق الخفاق
يمتصّ المنى كل امتصاص

- الله عليك
- وعليك شوف يا ابنى أنا لو قلت (بالفصحى) :
قال لى طفلى يابى إن حلتى قد اهترأت

لقضيت القضاء المبرم على مأساوية القصيدة ..
والعامية هنا فى مكانها تماماً لكن حضرتك عمّال
(تلملم) حتّه عربى على حتّه عامى

- لكن أنا (مكتنع) باللى عملته
- خلاص ما دام (مكتنع) يبقى تغور من وشى
وخلّى (عكّك) زى ما هو
- طب يا أستاذ أسمى اللى عملته إيه
- سميه (شَعَزَجُ)
- (بعزأ)
- يا مدهول (شعزج)



• ملأ ليس الإله •

- يعنى إيه ؟
- (شع) يعنى شعر ، و (زج) يعنى زجل ودا اسمه (تركيب مزجى)

- مزئى ؟

- إلهى يزئيك حميماً وغساقاً، أهو عديتنى خليتنى أخطب عامية على فصحنى



- وماله

- وماله ؟

- أبوه يا أستاذ وماله دا اسمه جديده

- جديده ؟

- لا يا أستاذ جديده

- تنجيد ؟

- با قول لحضرتك تج دى د

- آه جدّد إنت لوحدهك

وخليك فى (شعزجك)



- الحسة الأخيرة -

يوه .. أقصد (الصفحة الأخيرة)

بليت بمن ينطبق عليه قول عمنا (الطراوى) رحمه الله :
ليس شاعراً ولا ناثراً ولا زجلاً ولا (حاجه خالص) ..
ولكنه - فى نظر نفسه - (أبو العريف) لا تقول متنبى
ولا جاحظ ولا بيرم . رأيت فأسرعت حتى لا ينقض على
أذنى (بروائعه) .. من الروع أى الرعب ولكنه (قة شنى)
وكان مسكاً بواحدة من الجيلاتى ومدّها فى عيني قائلاً :

- تاخذ (حسه) ؟

- فى عرض عرض اللى خلفوك كفايه حسة مخك
وحسة مخى إن سمعتك ونزعت نفسى من
(كمّاشتيه) أعنى يديه وقلت يا (فكيك)



بطاقة تعارف

- محجوب محمد موسى
- الاسم الفني (محجوب موسى)
- ولد في الإسكندرية في ٣٠ ديسمبر سنة ١٩٣٥ م
- شاعر ، ناقد ، عروضي ، خطيب مرتجل ، محاضر
- عضو رابطة الأدب الإسلامي العالمية
- عضو اتحاد الكتاب المصري
- عضو جمعية حماية اللغة العربية بالقاهرة
- مراجع لغة عربية بمكتبة الإسكندرية سابقاً
- عضو رابطة الزجالين ومؤلف الأغنية بالقاهرة
- مؤسس أندية الشعر بقصور ثقافة الإسكندرية
- تخرج على يديه أجيال من الشعراء منذ عام ١٩٦٣ م ولما تزل أجيال تترى...

العنوان / الإسكندرية - القبارة - ٢٦ شارع صالح مجدى . الرمز البريدي ٢١٢١١
ت / ٤٤٣٣٤٢١ / ٠٣ ت / ٤٣٩٠٨٦٣ / ٠٣
محمول / ٠١٠١٢٣٥٤٦٧

